

ՎԱՏԱԳՆ ՇԱՏՆԱԶԱՐՅԱՆ

ԱՂՎԱՆԻՑ ԿԱԹՈՂԻԿՈՍՈՒԹՅՈՒՆԸ
ԺԷ ԴԱՐԻ ՎԵՐՋԻՆ

ԺԷ դ. երկրորդ կեսին Ղազարյանների կաթողիկոսության ժառանգականության ավանդույթը խախտվեց: 1653 թ. Գանձասարի կաթողիկոս օծվեց Ղազարյան փոհմին չպարկանող Պեպրոս Խանձրեցին՝ Կաթողիկոսական Աթոռին բազմելու համար 1652 թ. դառնալով Ղազարյան Գրիգոր Կաթողիկոսի որդեգիրը և սրբեցվելով այդ փոհմի երեսնական անընդհատություն¹: Որդեգրման այդ ակտով նա պարտավորվում էր իր մահից առաջ Գանձասարի կաթողիկոս օծել միայն Ղազարյան փոհմի ներկայացուցչի: Վարդան Օձնեցին գրում է, որ նա կարարում է այդ պարտավորությունը և մահից առաջ, 1674 թ., կաթողիկոս է օծում Երեմիա Ղազարյանին, սակայն Գանձասարի Կաթողիկոսական Աթոռի նկատմամբ Ղազարյանների ժառանգական իրավունքի վերականգնումն ընդդիմություն է առաջացնում ինչպես Գանձասարի վանքի միաբանների, այնպես էլ Կաթողիկոսության բարձր հոգևորականության շրջանում, որոնք բացահայտ կերպով հանդես են գալիս Ղազարյան Երեմիայի թեկնածության դեմ:

Գանձակի և Բարդայի առաջնորդները, չհանաչելով Երեմիայի կաթողիկոսական իրավունքները, նույնիսկ «կամեցին առանձին ունիլ գթեմս խրեանց անկախի կաթողիկոսացն յԱղուանից և Էջմիածնայ»²: Երեմիա Կաթողիկոսը, այս ընդդիմությանը վերջ տալու նպատակով, կաթողիկոս դառնալուց մեկ փարի անց կաշառքով Գանձակի և Բարդայի խաներից հրովարակներ է ձեռք բերում, որոնցով խաները նրան կաթողիկոս են ճանաչում՝ հրամայելով իրենց իշխանության փակ գրովոդ հայերին հնազանդվել նրան³:

Վարդան Օձնեցին գրում է. «Յևր չորս ամաց կաթողիկոսութեան փեր Երեմիայի հաճեալ զկամս Բեկլար բեկին Բարդայու, Սիմեօն եպիսկոպոս՝ առաջնորդ Բարդաբասանու* և Ջրաբերդու ի թուին հայոց ՌճԻԳ (1674) օծաւ հակառակ Աթոռ կաթողիկոս Աղուանից»⁴: Այսպէս «յեւ չորս ամաց»-ը վրիպակ է, պետք է լինի «յեւ չորս ամսոց», քանի որ Վարդան Օձնեցին վերը նշում էր, որ Երեմիան կաթողիկոս է օծվել 1674 թ.:

Փորձենք պարզել այս մութ պարմությունը՝ դիմելով այլ աղբյուրների օգնությանը:

Երեւանի Մաշտոցի անվան Մարենադարանի թիվ 8965 ձեռագիր Ավետարանի հիշարակարանը քննարկվող հարցի վերաբերյալ լրիվ հակառակ պնդելություններ է փայլա: Ըստ այդ հիշարակարանի, Պեպրոս Կաթողիկոսը 1675 թվականին, մահից առաջ, կրակով Գանձասարի Կաթողիկոսական Աթոռը հանձնում է իր աշակերտ Սիմեոնին, որ չէր

1 Տե՛ս Վարդան Օձնեցի, Պարմություն Ղայոց. Մարենադարան, ձեռ. թ. 4331, թ. 10ա-10բ:

2 Անդ, թ. 11բ:

3 Տե՛ս անդ.:

* Բարդաբասանը գավառակ է Արցախում, փարածվում է Ջրաբերդի գավառից արևելք («Ղայասարանի և հարակից շրջանների պեղանունների բառարան», հապ. Ա, Եր., 1986, էջ 620):

4 Վարդան Օձնեցի, թ. 12:

պարկանում Նասան-Ջալալյան փոխին: Միմեռնը, Պեքրոս Խանձբեցու վախճանվելուց հետո, «կամակցութեամբ ամենայն մեծամեծաց քանս Աղուանից», օծվում է Գանձասարի կաթողիկոս և, մեկնելով Ղազվին, միաժամանակ հաստատվում Գանձասարի կաթողիկոս և՛ Սուլեյման շահի հրովարտակով, և՛ այդ ժամանակ Պարսկաստանում գտնվող Ամենայն հայոց Կաթողիկոս Նակոբ Զուղայեցու կոնդակով⁵, որը, հալածվելով Երևանի Սեֆի-Ղուլի խանի կողմից և ապավինելով շահի արդարադատությանը, 1673-75 թթ. գտնվում էր Սպահանում⁶: Այս հիշարարարանը միակ աղբյուրն է, ըստ որի Միմեռն Կաթողիկոսը Նակոբ Զուղայեցուց հաստատման կոնդակ է ստացել, մինչդեռ Սուլեյման շահի՝ Երեմիային Գանձասարի կաթողիկոս հաստատելու հրովարտակում ասվում է, թե Երեմիան, ներկայանալով շահին, հայտնել է, որ իր հորեղբայր Գրիգոր Նասան-Ջալալյան Կաթողիկոսի մահից հետո իր անջափահաս լինելու պարտադրով կաթողիկոս է դարձել Պեքրոսը, որը, դեռ իր կենդանության օրոք, կաթողիկոսությունն իրեն է հանձնել: Երեմիան շահին ներկայացրել է Աղվանքի հայ իշխանների համախոսականը, որով նրանք հայտնում էին, որ Գանձասարի կաթողիկոս են ճանաչում Երեմիային և «երախտապարտ են» նրան: Շահը բավարարել է Երեմիայի խնդրանքը և նրան «Նապաստակի քարվա սկզբից» հաստատել Ղարաբաղի, Գանձակի և Շամախու կաթողիկոս: Նրովարակը տրվել է Նիջրայի 1086 թ. սաֆար ամսին (1675 թ. ապրիլի 27 - մայիսի 26)⁷: Այս հրովարտակից հետևում է, որ Երեմիան իր հորեղբոր մահից հետո Պեքրոսի՝ Գանձասարի կաթողիկոս դառնալու փաստը պարտադրանում է իր անջափահասությամբ:

Լեռնային Ղարաբաղի Նանրապետության Ասկերանի շրջանի Շոշ գյուղի Սուրբ Սյրեվանոս եկեղեցու հյուսիսային մուրքի բարավորի վրա գոյություն ունի հետևյալ բովանդակությամբ արձանագրությունը. «Շինեցաք զսուրբ Ամենափրկիչ եկեղեցիս յիշարակ հոգուց մերոց ննջեցելոց ի հայրապետութեան Աղուանից քրեան Երեմիայի... Թուին էր ՌՃԴ (1655)»⁸: Այս արձանագրությունից հետևում է, որ Երեմիան Աղվանից հայրապետ է կոչվել Պեքրոսի կաթողիկոսության ժամանակ:

Երեմիան շահին է ներկայացնում Աղվանքի հայ իշխանների՝ իր անունով մուշափա-համախոսականը, սակայն նրա այն պնդումը, թե Պեքրոսն իր կենդանության օրոք Գանձասարի Կաթողիկոսական Աթոռը հանձնել է իրեն, բանավոր է: Մեր կարծիքով, եթե Երեմիան ունենար իր անունով Պեքրոս Կաթողիկոսի գրավոր կրակը, ապա այն կներկայացներ Սուլեյման շահին, մինչդեռ հրովարտակում հստակ նշված է, որ Երեմիան հայտնել է, թե Պեքրոս Խանձբեցին կաթողիկոսությունը հանձնել է իրեն և ներկայացրել միայն Աղվանքի հայ իշխանների գրավոր համախոսականը:

Նրովարակը գրվել է 1675 թ. ապրիլ-մայիս ամիսներին, սակայն շահը Երեմիայի

5 Մարենադարան, ձեռագիր (այսուհետև՝ Ձեռագիր) թ. 8965, թ. 361 բ:

6 Տե՛ս ԱԶ. Նովիանիսյան, Դավաճներ հայ ազատագրական մարքի պարմության, գիրք երկրորդ: Եր., 1959, էջ 158-161:

7 Տե՛ս Մարենադարան, Կթղկ. դիվան (այսուհետև՝ Կթղկ. դիվան), թղթ. 241, վստ. 201, Մարգիս Ջալալեանց, Ճանապարհորդություն ի Մեծն հայաստան, Տիֆլիս, 1853, էջ 491-492:

8 «Դիվան հայ վիմագրության» (այսուհետև՝ Դիվան), Արցախ, Պրակ V: Եր., 1982, արձանագրություն 494, էջ 145-6:

կաթողիկոսությունը հաստատվում է «նապաստակի քարավա սկզբից», այսինքն՝ հետին թվով, նույն 1675 թ. փետրվարի երկրորդ կեսին:

ԺԸ դ. երկրորդ կեսին կազմված Աղվանից կաթողիկոսների գավազանագրքում Պեպրոս Խանձբեցուց հետո հիշարվելով են ոչ միայն Սիմեոնն ու Երեմիան, այլև ոմն Մելիքսեթ Արեշեցի, որին գավազանագիրք կազմողը կեղծ կաթողիկոս է անվանում՝ հաղորդելով, որ նրա աթոռակալության թվերը իրեն հայրնի չեն⁹: Այս Մելիքսեթից հետո հերթականորեն նշված է Սիմեոնի անունը, որին կազմողը անվանում է «շնորհալի Նայրապետ Մեծ Կունեցի»¹⁰: Երեմիայի անունը քրեադրված է Սիմեոնի անունից հետո: Երեմիայի վերաբերյալ, որին գավազանագիրք կազմողը Երեմիա Ճալեցի է անվանում և նրա կաթողիկոսության սկիզբ է նշում 1676 թ., գրված է. «Նախառակալ, անձամբ առեալ կաթողիկոսություն՝ ի միասին վարին չարչարանօք, որ խորեալ աղճաքեալ ոմն Եղիայ անուն եպիսկոպոս անուան կաթողիկոս և նա ձեռնադրէ Տէր Երեմիային անուանին կաթողիկոս»¹¹:

Այս գավազանագրքի համաձայն, Երեմիային անվանական-անօրինական կաթողիկոս է օժել ոմն Եղիա եպիսկոպոս, որը նույնպես անօրինական կերպով իրեն կաթողիկոս էր հորջորջում¹², սրանից հետո Երեմիան, դեմ գնալով եկեղեցական կանոնադրությանը, Սիմեոնի հետ «չարչարանօք» է աթոռակալել: Ինչպես տեսնում ենք, այս աղբյուրը Երեմիա Նասան-Ջալալյանին է հակաթոռ համարում:

Զնայած Սիմեոն Երեւանցին ևս Սիմեոնին անվանում է ինքնընծա և առանց Ամենայն Նայոց Կաթողիկոս Նակոր Զուղայեցու հաստատման Գանձասարում աթոռակալած, սակայն միաժամանակ հետաքրքիր քրեականություն է քայլիս: Ըստ Սիմեոն Երեւանցու, Սիմեոնը իրեն Գանձասարի կաթողիկոս հռչակելուց հետո լքում է կաթողիկոսանիստ Գանձասարի վանքը և, վերցնելով վանքի ամբողջ գույքը, քրեափոխվում իր հայրենի գյուղ՝ վայելելով մահմեդական մուլքադարի հովանավորությունը¹³ (Մակար Բարխուդարյանցը նշում է Ջրաբերդի գավառի Թրդի գետի ձորում գտնվող Խոտորաշենը)¹⁴: Այդ պարճառով Նակոր Զուղայեցին բանադրում է Սիմեոնին և Աղվանքից Էջմիածին կանչելով ոմն Երեմիա աբեղայի՝ նրան միաժամանակ ձեռնադրում եպիսկոպոս, ապա օծում Գանձասարի կաթողիկոս¹⁵: Սիմեոն Երեւանցին Երեմիային աբեղա է անվանում և գրում, որ Նակոր Զուղայեցին նրան եպիսկոպոս ձեռնադրելուց հետո է կաթողիկոս օժել: Այսինքն պետք է ենթադրել, որ Էջմիածինը չէր ճանաչում Եղիայի ձեռքով Երեմիայի կաթողիկոս օծվելը, հակառակ դեպքում նա միայն հաստատման կոնդակ և կամ Պեպրոս Խանձբեցու նման կաթողիկոսական գավազան կստանար:

9 Կթղկ. դիվան, թղթ. 240, վավ. 132:

10 * Մեծ Կունեցը (Մեծկվենք, Մեծկուանք) քրեադրվում է Թարթառ գետի վերին ավազանում, Մոավ լեռան լանջերից հարավ-արևելք: Մեծ Կունեցի եպիսկոպոսական կենտրոնը Խարթավանքն էր:

11 Կթղկ. դիվան, թղթ. 240, վավ. 132:

12 ** Պետք է ենթադրել, որ Երեմիայի «օծումը» քրեի է ունեցել ոչ թե 1675-ին, այլ 1655 թվականից ոչ ուշ, երբ Երեմիան վիճարկում էր Գանձասարի կաթողիկոսությունը Պեպրոս Խանձբեցուց:

13 Սիմեոն Երեւանցի, Ջամբ: Վաղարշապատ, 1873, էջ 80:

14 Մակար Բարխուդարյանց, Պարմություն Աղուանից, հ. Բ: Թիֆլիս, 1907, էջ 68:

15 Անդ:

Սիմեոն Երեւանցին չի փայլա Նակոր Զուղայեցու կողմից Երեմիա Նասան-Ջալալյանին Գանձասարի կաթողիկոս օծելու թվականը, այլ միայն նշում է, որ այն փոխ է ունեցել Սիմեոնի՝ կաթողիկոս օծվելուց և ապա աթոռանիստ Գանձասարի վանքը լքելուց ու հայրենի գյուղ՝ Կոթափոխվելուց հետո^{16*} :

Շուշիի Ագուլեցոց եկեղեցում պահված Ավետարանի հիշարակարանը հաղորդում է. «Արդ, գրեցա վարդափոխիք և ոսկեգօծ սուրբ և աստուածաշունչ Աւետարանս... ի թուականին Նայոց ՌՃԻԹ, ամսեան սեպտեմբերի, որոյ էին ամսուրք Ժ (1680 թ. սեպտեմբերի 10), ի թագաորութեան պարսից Շահ-Սուլէմանին և ի հայրապետութեան փանս Աղուանից Տեառն Երեմիայի սրբազան և նորբնծայ կաթողիկոսի»¹⁷:

Նիշարակարանի հեղինակը 1680 թ. սեպտեմբերին Երեմիային նորբնծա կաթողիկոս է անվանում, երբ հայրն է, որ դեռևս 1675 թվականին էր Երեմիան շահից կաթողիկոս հաստատվելու հրովարդակ սրացել:

Այս հիշարակարանի հաղորդումը կապելով վերը մեջբերված Սիմեոն Երեւանցու փոփոխության հետ՝ կարող ենք եզրակացնել, որ Նակոր Զուղայեցու կողմից Երեմիային Գանձասարի կաթողիկոս օծելը փոխ է ունեցել 1680 թ. մոտ ընկած ժամանակահատվածում: Նակոր Զուղայեցին 1677 թ. Էջմիածնի խորհրդաժողովի որոշումներ իրականացնելու նպատակով արքայապետին գնալու համար Վրաստան է եկել նույն 1677 թ.¹⁸: Աշոտ Նովհաննիսյանը գրում է, որ 1677 թ. Վրաստանում Նակոր Զուղայեցին հանդիպել է Գանձասարի հակառակորդ կաթողիկոսներին՝ Սիմեոնին և Երեմիային, և հաշտեցրել նրանց¹⁹:

Այս ամենը միմյանց կապելով՝ թերևս կարելի է եզրակացնել, որ Երեմիան կաթողիկոս է օծվել կան Վրաստանում այս հանդիպման ժամանակ, կան քիչ ավելի վաղ:

Փորձենք ի մի բերել միմյանց միաժամանակ և՛ հակասող, և՛ լրացնող աղբյուրների այս հաղորդումները:

Պեպրոս Խանձբեցին մահից առաջ Գանձասարի կաթողիկոսությունը սեփական կրակի համաձայն հանձնում է իր աշակերտ, Գանձասարի վանքի աթոռակալ, Գանձակի թեմի և նրանից Մոսկվի լեռներով բաժանված Մեծ Կուսենքի կամ Բարդաբասանի եպիսկոպոս Սիմեոն Խոպորաշենցուն: Վերջինս Պեպրոս Խանձբեցու մահից հետո, 1675 թ., մեկնում է Պարսկաստան և Սուլեյման շահի ու այդ ժամանակ Պարսկաստանում գտնվող Ամենայն Նայոց Նակոր Զուղայեցի Կաթողիկոսի կողմից հաստատվում Գանձասարի կաթողիկոս: Երեմիա Նասան-Ջալալյանը, որը դեռ Պեպրոս Խանձբեցուց էր փորձել խլել Կաթողիկոսական Աթոռը, հենվելով իր հորեղբայր Գրիգոր Կաթողիկոսի և Պեպրոս Խանձբեցու՝ 1652 թ. համաձայնագրի, ինչպես նաև իր փոխակից Նասան-Ջալալյանների ու Աղվանքի մի շարք աշխարհիկ և հոգևոր փոքրիկ օժանդակության վրա, կաշառքով

16 * Սիմեոն Երեւանցին գրում է, որ Սիմեոն Խոպորաշենցին բանադրվել է Նակոր Զուղայեցու կողմից ոչ թե «ինքնընծա» կերպով Գանձասարի կաթողիկոսական աթոռը զբաղեցնելուց անմիջապես հետո, այլ այդ Աթոռը Գանձասարի վանքից փոխափոխելու համար: Սա կասկածի փոխ է փայլա: Չէ՞ որ նույն Նակոր Զուղայեցին քիչ անց, 1677 թվականին, փորձում էր հաշտեցնել Սիմեոնին և Երեմիային: Նավանաբար նման բանադրանք չի եղել:

17 Կթղկ, դիվան, թղթ. 260, վավ. 130, էջ 2ա:

18 Տե՛ս Աջ. Նովհաննիսյան, նշվ. աշխ: էջ 208-209:

19 Անդ:

Բարդայի հաքիմ Աբաս-դուլի խանից²⁰ և Ղարաբաղի բեկլարբեկ, Գանձակի խան Զիադ Օղլի Ուղուրլուից Տիջրայի 1087 թ. մուհարամ ամսին (1675 թ. մարտի 16 - ապրիլի 15)²¹ ստանում է հրովարդականեր, որոնցով այդ խաները Գանձասարի կաթողիկոս Էին ճանաչում Երեմիային և հրամայում իրենց ենթակա հայերին՝ հնազանդվել նրան:

Երեմիան Կեղական իշխողներից իր կաթողիկոսական իշխանությունը հաստատող հրովարդակաները ստանալուց հետո, գուցե նույն հնարքը բանեցնելով, 1675 թ. մայիսին իր կաթողիկոսությունը հաստատող հրովարդակ է ստանում նաև Սուլեյման շահից:

Երեմիայի և նրա կողմնակիցների հարաճուն ճնշման փակ Սիմեոն Խոփորաշենցին թողնում է իր աթոռանիստ Գանձասարի վանքը և, ստանալով իր ծննդավայր Խոփորաշեն գյուղի մուսուլման մուլքադարի աջակցությունը, Կեղավոյվում է այնտեղ:

Նակոբ Զուղայեցի Կաթողիկոսը, որն աջակցության խիստ կարիք ուներ և այդ պարագայում չէր կարող հաշվի չառնել հզոր և հայ իրականության մեջ մեծ համարում ունեցող Խաչենի Նասան-Ջալալյան մելիքական փան և նրանց կողմնակիցների ձգվումները, հավանաբար 1677 թ. կաթողիկոս է օծում Երեմիա Նասան-Ջալալյանին:

Գանձասարի կաթողիկոսության թեմերը երկփեղկվեցին՝ բաժանվելով երկու հակամարտ հայրապետների միջև: Սիմեոն Խոփորաշենցուն կաթողիկոս Էին ճանաչում Գանձակի, Շաքիի և Շամախու թեմերը, Երեմիային՝ Ղարաբաղի թեմերը²²:

Վերը նշեցինք, որ Նակոբ Զուղայեցին 1677 թ. Վրաստանում հանդիպել է Գանձասարի հակառակորդ հայրապետներին և հաշտեցրել նրանց: Այդ հանդիպման արդյունքում Սիմեոն Խոփորաշենցին 1677 թ. օգոստոսի 25-ին թվագրված պարտավորագիր է փախս առ այն, որ իր մահից հետո իր ժառանգները գրկվելու են կաթողիկոս դառնալու իրավունքից: Կաթողիկոսության ժառանգականությունը վերապահվում է Նասան-Ջալալյաններին: Սիմեոնը հայրնում է նաև, որ ինքը թույլ է տալիս Նակոբ Զուղայեցուն, ըստ որի պարտավորվել է ենթարկվել ու հնազանդվել նրան²³:

Վավերագրում խոսք կա նաև Գանձասարի կաթողիկոսության վերաբերյալ Սիմեոնի և Երեմիայի միջև կայացած համաձայնագրի մասին, որը հաստատվել է Նակոբ Զուղայեցու կողմից²⁴: Թե ինչ հարցեր էին շոշափվում այդ համաձայնագրում՝ վավերագրում չի ասվում: Այդ մասին Կեղեկանում ենք Վարդան Օձնեցուց, որը գրում է. «Ես ձեռագիր Սիմեոն Կաթողիկոսն Աղուանից ի թուին Նայոց ՌՃԻԶ օգոստոսի ԻԵ (1677 թ. օգոստոսի 25), գի ինքն, որքան կենդանի է, վարեսցե իշխանություն կաթողիկոսութեան ի վերայ մասին Աղուանից՝ Շիրուանայ, Շաքուայ և Գանձակայ»²⁵:

Փաստորեն Գանձասարի կաթողիկոսությունը բաժանվում էր երկու մասի՝ Շիրվանի, Շաքիի և Գանձակի թեմերը փրվում էին Սիմեոն Խոփորաշենցուն, Ղարաբաղի թեմերը՝ Երեմիա Նասան-Ջալալյանին:

20 Տե՛ս Կթղկ. դիվան, թղթ. 2ա, վավ. 83:

21 Տե՛ս անդ, վավ. 47:

22 Ձեռագիր թ. 4331, էջ 12ա:

23 Կթղկ. դիվան, թղթ. 240, վավ. 1:

24 Տե՛ս անդ:

25 Ձեռագիր թ. 4331, էջ 12բ:

Նակոր Զուղայեցու այս որոշումից դժգոհ Երեմիան, օգտվելով այն հանգամանքից, որ Նակոր Զուղայեցին 1677 թ. առանց շահից թույլություն ստանալու մեկնել էր Վրաստան, իսկ այնպեղից Թուրքիա և այդ պարճառով վարկաբեկվել պարսկական կառավարության աչքում²⁶, Ղարաբաղի բեկլարբեկ Աբաս-Ղուլի խանից Նիջրայի 1090 թ. ռաբի ալ ալալ ամսին (1679 թ. ապրիլի 12 - մայիսի 12) ստանում է հրովարտակ՝ ուղղված Ղարաբաղի, Գանձակի և Շիրվանի հայերին, որպեսզի Աբաս-Ղուլի խանը հրամայում էր հնազանդվել Երեմիա Կաթողիկոսին և թալիբանին (հոգևոր փոքրերը - Լ. Մ.) հանձնել նրան²⁷: Նույն փարում Շաքիի Նուսեյն խանն իր խանության հայերին հրամայում է հնազանդվել Երեմիային²⁸:

Սիմեոն Խոփորաշենցին նույնպես խախտում է Նակոր Զուղայեցու միջնորդությամբ կայացված համաձայնությունը՝ Երեմիայի գավազանի փակ գրնվող Ջրաբերդի գավառում կառուցելով և 1691 թ. օծելով իր աթոռանիստ Երից Մանկանց վանքը²⁹: Թերևս Սիմեոն Խոփորաշենցու կողմնակիցները թույլ չեն փայլա Երեմիա Կաթողիկոսի կողմից Ղուգին³⁰ կոչվող գավառակի գյուղերի թորեպիսկոպոս նշանակված Նակոր վարդապետին հաստատվել այդ գյուղերի առաջնորդանիստում, այդ պարճառով վերջինս 1682 թ. ստիպված էր կառուցել Ծակուռի գյուղի եկեղեցին և հաստատվել այնպեղ³¹:

Պոխում 1680 թ. մահացած Ամենայն Տայոց Կաթողիկոս Նակոր Զուղայեցուն հաջորդում է Եղիազար Այնթապցին, որի մասին 1689 թ. մի հիշատակարանում հաղորդվում է, թե կաթողիկոսում էր «բոլոր իշխանություններ», և որ «ի գալն նորայ դորդումն եղև համայն արևելեանս, որ և ահարկու եղևն ազգն մահմեդականի»³²: Եղիազար Այնթապցին, օգտագործելով Վարանդայի, Դիզակի և Խաչենի մելիքներին՝ իրեն ուղղված դիմումը, որպեսզի հայտնվում էր, թե միայն Երեմիա Նասան-Ջալալյանին են ճանաչում Գանձասարի կաթողիկոս և պահանջում են բանադրել Սիմեոնին³³, Էջմիածնին են ենթարկվում Պեպրոս Խանձրեցու ժամանակ Գանձասարի կաթողիկոսությանն անցած Շաքիի ու Շամախու թեմերը: Եղիազարի հրամանով Էջմիածին եկած Սիմեոն Խոփորաշենցին պարտավորվում է «առանց վարելոյ զիշխանություն կաթողիկոսութեան նստի հանդարտ ի վանս իւր»³⁴:

Այս պարտավորությունը, սակայն, Սիմեոնը չի կատարում, քանի որ 1690 թ. մարտի 15-ին Ամենայն Տայոց Կաթողիկոս Եղիազար Այնթապցին Շաքիի ու Շիրվանի հայերին ուղղված կոնդակում գրում է, որ Սիմեոնը, երդմնազանց լինելով, մեռն է օրհնել, եպիսկոպոս ձեռնադրել և ստացել Շաքիի ու Շիրվանի թեմերի ութ թուման գումար կազմող եկեղեցական արդյունքները, որոնք Եղիազար Կաթողիկոսը պահանջում է հանձնել Էջմիածնին: Անդրադառնալով Գանձասարի կաթողիկոսությունում փրորող երկպառակությանը՝ վերջինս

26 Տե՛ս ԱԶ. Նովիանիսյան, նշվ. աշխ.: Էջ 294:

27 Տե՛ս Կթղկ. դիվան, թղթ. 2ա, վավ. 93:

28 Տե՛ս անդ, վավ. 95:

29 Տե՛ս Դիվան, արձանագրություն թ. 300, էջ 96:

30 * «Ղուգի» թուրքերեն բառ է, որ նշանակում է ոչ արեախայաց, այսինքն Տող լեռան հյուսիսային լանջին ընկած գյուղերն են, նույն լեռան հարավային լանջի գյուղերից բաղկացած գավառակն անվանվում էր Գյունե՝ թուրքերեն՝ հարավ:

31 Տե՛ս Դիվան, արձանագրություն թ. 600, էջ 172-173:

32 Տե՛ս Ձեռ. թ. 1512, էջ 594բ:

33 Տե՛ս Ձեռ. թ. 4331, էջ 13ա:

34 Անդ :

նույն կոնդակում գրում էր. «Երեմիայն և Սիմեոնն եթէ միաբան մնան ի Գանձասար, բարի՛ է, եթէ ո՛չ, և ո՛չ մինն չէ կաթողիկոս»³⁵: Ինչպես տեսնում ենք, ինքը՝ Եղիազար Այնթապցին, շարունակելով Էջմիածնի ինքնաշարժը համարել Շաքիի և Շամախու թեմերը, ուժը կորցրած էր համարում կաթողիկոսությունից հրաժարվելու Սիմեոնի պարտավորագիրը: Եղիազար Այնթապցու համար պարզ պետք է լիներ, որ Սիմեոնն ու Երեմիան չեն կարող միապետել նախկին Գանձասարի վանքում և համապետել աթոռակալել: Եղիազարը նման պահանջ առաջ քաշելով ոչ թե փորձում էր վերջ տալ երկպառակությունը, այլ ջանում էր այդ երկպառակության պայքարից թուլացած Գանձասարի կաթողիկոսությունը ենթարկել Էջմիածնին և այդ կաթողիկոսության Անդրկուրյան հարուստ թեմերը վերջնականապես ամրացնել Էջմիածնին:

Շաքիի ու Շամախու թեմերին ուղղված այս կոնդակին հետևում է Եղիազար Այնթապցու՝ Գանձասարի կաթողիկոսության բոլոր թեմերին ուղղված կոնդակը, որով արգելվում էր եկեղեցական արդյունքները Սիմեոն Խոփորաշենցուն նվիրակներին հանձնել³⁶:

Դրա հետևանքով Սիմեոն Խոփորաշենցուն ենթարկվող մի քանի թեմերի առաջնորդներ երևա են թեքում նրանից և նրա հակառակորդների հետ 1691 թ. փետրվարի 10-ին կազմում համախոսական, որպեսզի հայտարարում են, որ Գանձասարի կաթողիկոս են ճանաչում միայն Երեմիային և պարտավորվում են եկեղեցական հասություններն ամբողջովին հանձնել նրան, իսկ Սիմեոնին, որն իր հավաքած գումարները «խր հօր քանն է մսխում և այլ տեղ կորուսանում... դուրս անիմք մեր մեջէն, ուր կամի գնայ»³⁷:

Նամախոսականը կրել էին Բոջիզի մելիք Փիրումը, Ջրաբերդի մելիք Նախիջանը, Շամքորի մելիք Միրզախանը, հինգ եպիսկոպոսներ, այդ թվում՝ Փառխոսի եպիսկոպոս և Շամքորի առաջնորդ Բարսեղը, Մեծ Արանից Սուրբ Նակոբի վանքի առաջնորդ Գրիգոր եպիսկոպոսը և Շաքիի առաջնորդ Բարսեղ եպիսկոպոսը, որոնք մինչ այդ ենթարկվում էին Սիմեոն Կաթողիկոսին: Վերջինս ստիպված էր թողնել Ջրաբերդի գավառում գտնվող իր նորակառույց Երից Մանկանց վանքը և ապաստանել Ամարասի վանքում՝ ստանալով Վարանդայի մելիքի³⁸ աջակցությունը³⁹:

Սիմեոն Խոփորաշենցին, տեսնելով, որ Էջմիածնի հակված է իր հակառակորդ Երեմիա Նասան-Ջալալյանի կողմը, փորձում է ստանալ Վապիկյանի օժանդակությունը՝ կանգ չառնելով նույնիսկ դավանափոխության առջև: Տաշյանի կազմած ձեռագրերի ցուցակում⁴⁰ առկա է եկեղեցական գրքերի տպագրության համար Նակոբ Ջուղայեցու կողմից Երուսաղիմում ուղարկված և 1664 թ. կաթողիկոսություն ընդունած Ոսկան վարդապետ Երեմիային վկայությունը, համաձայն որի, 1688 թ. Աղվանից Ազարիա Կաթողիկոսը⁴¹ մի

35 Անդ, էջ 13ա-13բ:

36 Ձեռ. թ. 4331, էջ 13բ:

37 Կթղկ. դիվան, թղթ. 240, վավ. 2:

38 Վարանդացի մելիքը ԺԷ դ. 90-ական թվականներին Մելիք Շահնազար Ա-ի որդի Մելիք Բաղին էր (Մակար Բարխուդարեանց, նշվ. աշխ., էջ 24):

39 Տե՛ս Ձեռագիր թ. 4331, էջ 13բ:

40 Տե՛ս **Յակոբոս վարդապետ Տաշեան**, Յուդակ հայերեն ձեռագրաց, Վիեննա, 1895, էջ 113:

41 Ազարիան Բաբելոնում կրակե հնոցը ներված երեք մանուկներից մեկն է (Դանիել Ա, 7) և աստվածաշնչյան այս կերպարի անունով է Ոսկան Երեմիային կոչում Երից Մանկանց վանքում նստող Սիմեոն Կաթողիկոսին:

քանի եպիսկոպոսների համակամությամբ դավանագիր է ուղարկել Իննոկենսիոս ԺԱ Պապին (1676-1689):

Կաթողիկոսություն ընդունելու առաջարկ Վապրիկանից արվում է նաև Երեմիային, որն Աղվանից Աբաս Կաթողիկոս է անվանվում, սակայն վերջինս մերժում է՝ պապասխանելով, թե «Յառաջագոյնքն իմ՝ Պեպրոս ևս Գրիգոր կաթողիկոսունք ոչ ընկալան գայդոսիկ, և ևս ոչ ընդունիմ»⁴²: 1695 թ. Սիմեոն Խոպորաշենցին կրկին դիմում է Վապրիկանին՝ այժմ Իննոկենսիոս ԺԲ Պապին (1691-1700)՝ խնդրելով միջնորդել իր օգտին Սուրբան-Նուսեյն շահի առաջ և պաշտպանել իր իրավունքները Երեմիա Նասան-Ջալալյանի դեմ: Պապը բավարարում է այդ խնդրանքը⁴³: Շամախում հաստատված ճիզվիտական օրդենի ներկայացուցիչներից մեկը 1702 թ. անգամ գրում էր, որ Սիմեոն Կաթողիկոսը կաթողիկ է, սակայն գաղտնի է պահում այդ փաստը⁴⁴:

Երեմիա Նասան-Ջալալյանը վախճանվում է 1700 թ., երկու տարի անց՝ 1702 թ. վերջին, իր մահկանացուն է կնքում նաև Սիմեոն Խոպորաշենցին⁴⁵: Մինչ այդ, սակայն, երկու Կաթողիկոսներն իրենց հաջորդներ են օծում. Երեմիա Նասան-Ջալալյանը՝ Եսայիին, որն իր եղբայր Վեղիջանի որդին էր⁴⁶, Սիմեոն Խոպորաշենցին՝ իր ազգական Ներսեսին:

Աշոտ Նովհաննիսյանի կարծիքով այդ օծումը տեղի է ունեցել Սիմեոն Խոպորաշենցու կաթողիկոսության վերջին տարում՝ 1702 թ.⁴⁷: Սիմեոն Երեւանցին Ներսեսի օծման տարի է համարում 1706 թ.՝ լռելով նույն տարեթիվը որպես Եսայիի հայրապետության հինգերորդ տարի. «Ի հինգերորդ ամ կաթողիկոսության Եսայեայ, Ներսես անուն ոմն սեղգուխ յազգէ վերոյիշեալ բանադրեցեալ Սիմեոն Կաթողիկոսին, ի յԱղուանս կաշառօք ևս խաբէութեամբ օծանի կաթողիկոսն իտչ ևս աստան Եսայեայ ի ՌՃԾԵ թուոջ մերում»⁴⁸: Ըստ այսմ, Եսային կաթողիկոս է դարձել 1701 թ., սակայն իր աշխատության նախորդ էջում Երեւանցին գրում է՝ «նադի յԱղուանս ի ՌՃԾԱ թուոջն»⁴⁹: Այսպիսով պետք է եզրակացնել, որ Սիմեոն Երեւանցին առաջին դեպքում Եսայիի հայրապետության սկիզբ է համարել Երեմիա Կաթողիկոսի մահվան հաջորդ տարին, իսկ երկրորդ դեպքում՝ Սիմեոն Խոպորաշենցու վախճանվելուց հետո: Վարդան Օձնեցին Եսայիի աթոռակից կաթողիկոս օծվելու տարեթիվ է համարում 1695 թ.: Եթե այս թվականը համարենք Եսայիի կաթողիկոսության առաջին տարին, ապա նրա կաթողիկոսության հինգերորդ տարի ևս Ներսեսի օծման տարեթիվ է դառնում 1700 թ., որը, ըստ փոխյաների համադրման, Ներսեսի կաթողիկոս օծվելու ամենահավանական թվականն է:

Առաջինը Երեմիան է 1695 թ. «հրամանաւ Նահապետ Կաթողիկոսին» աթոռակից օծում Եսայիին⁵⁰, որը դեռ Երեմիայի կենդանության օրոք Նիջրայի 1111 թ. ռամազան

42 Յակոբոս վարդապետ Տաշեան, Յուցակ հայերէն ձեռագրաց, էջ 113:

43 Ալիշան, Կամենից, Վենետիկ, 1896, էջ 145:

44 Տեն «I'enüia è äïiañaiëý èäçóëðïä î Ðïññèè, èïïðä XVII è ìä+äèä XVIII ääèä», Ñíá, 1904, էջ 294:

45 Տեն Աշ. Նովհաննիսյան, ևշվ. աշխ., էջ 293:

46 Տեն Տր. Աճառյան, Նայոց անձնանունների բառարան, Կ. Բ., 1944, էջ 144:

47 Տեն Աշ. Նովհաննիսյան, ևշվ. աշխ., էջ 293:

48 Տեն Սիմեոն Երեւանցի, Ջամբո, Վաղարշապատ 1873, էջ 81-82:

49 Անդ, էջ 81:

50 Տեն Ձեռագիր թ. 4331, էջ 14ա:

ամսին (1700 թ. փետրվարի 20 - մարտի 22) դիմում է Սուլթան-Նուսեյն շահին՝ բողոքելով, որ Ղարաբաղի, Գանձակի, Զարգբիլի (ներկայիս Քարվաճառի շրջան) և Շիրվանի մուսուլման ֆեոդալները կրոնական ճնշման և հալածանքի են ենթարկում այդ գավառների հայկական համայնքներին: Սուլթան-Նուսեյնը, համաձայն Սուլեյման շահի կողմից Պեյրոս Խանձբեցուն փրված հրովարդակի, հրամայում է Ղարաբաղի բեկլարբեկ Քալբալի խանին. 1694-1705), օժանդակել Եսայի Կաթողիկոսին և վերջ դնել կրոնական հալածանքներին⁵¹: Այս հրովարդակի հետ միաժամանակ շահը հրամայում է Ղարաբաղի բեկլարբեկին պարժել մին Սեֆի-Ղուլի բեկի թոռ Իսմայիլին, որը շարունակաբար անհանգստություն էր պարճառում Եսայի Կաթողիկոսին, խառնվում եկեղեցական կառավարման խնդիրներին, վանքապարկան գյուղերից հարկ պահանջում⁵²:

51 Տե՛ս Կթղկ. դիվան, թղթ. 2ր, վավ. 131:

52 Տե՛ս Ձեռագիր թ. 4331, Կթղկ. դիվան, էջ 14ա, թղթ. 2ր, վավ. 134: